

〔日本紀略桓武〕延曆十一年六月癸巳、皇太子城○平久病、卜之崇道天皇爲崇、遣諸陵頭調使主等於淡路國奉謝其靈、

○按ズルニ、崇道天皇ハ、桓武天皇ノ皇太弟早良親王ナリ、其追尊ハ、延曆十九年ニ在リ、本文及以下四條、並ニ追書ニ係ル、

〔類聚國史帝王二十五〕延曆十一年六月庚子、勅去延曆九年、令淡路國充某親王崇道守冢一畑、兼隨近郡司專當其事、而不存敬衛致令有崇、自今以後、冢下置隍、勿使濫穢、十六年五月乙巳、遣僧二人於淡路國轉經悔過、謝崇道天皇之靈也、

〔日本後紀桓武〕延曆十八年二月己丑、遣從五位上行兵部大輔兼中衛少將春宮亮大伴宿禰是成、傳燈大法師位泰信等於淡路國、令資幣帛、謝崇道天皇靈、

〔類聚國史帝王二十五〕延曆十九年七月己未、詔曰、朕有所思、宜故皇太子早良親王追稱崇道天皇、故廢皇后井上內親王追復稱皇后、其墓竝稱山陵、令從五位上守近衛少將兼春宮亮丹波守大伴宿禰是成、率陰陽師衆僧、鎮謝在淡路國崇道天皇山陵、壬戌、分淡路國津名郡戶二畑、以奉守崇道天皇陵、甲子、遣少納言從五位下稱城王等、以追尊事、告于崇道天皇陵、

〔日本後紀桓武〕延曆廿四年正月甲申、奉爲崇道天皇、建寺於淡路國、二月丙午、令僧一百五十人、於宮中及春宮坊等、讀大般若經、造一小倉於靈安寺、納稻卅束、又別收調綿百五十斤、庸綿百五十斤、慰神靈之怨魂也、四月甲辰、令諸國奉爲崇道天皇、建小倉、納正稅四十束、并預國忌及奉幣之列、謝怨靈也、庚戌、任改葬崇道天皇司、

〔延喜式二十一〕八嶋陵崇道天皇、在大和添上郡、○下略

〔日本後紀桓武〕延曆廿四年十月庚申、奉爲崇道天皇、寫一切經、其書生、隨功叙位及得度、癸亥、於前殿讀經三日、